



Kamis, 30 Juni 2022

Ogen: 2 Tesalonika 3:11-12



KEGELUHEN SI METUNGGUNG



Metanggung, sikap man tatapen, banci man usihen, banci ijileken, malem ate ngelnanamisa. Secara sederhana, banci bagenda me ikataken geluh si metanggung. Rasul Paulus melala kal nehken pengajaren, persinget nandangi kalak Kristen paksa e. Situjunna eme, gelah kegeluhen pengikut Jesus Kristus nggeluh la erpandangan, jadi kesaksin nandnagi sekelewetna dengen ngena kal ate Dibata.

Enmaka tep-tep ibegina berita-berita si la sikap ibas perpulungen nari, minter kal iembarina alu nehken pedah-pedah, sabab ceda kal atena dikune kalak si tek man Kristus nggeluh seri ras doni enda amin megati kal irintak sura-sura ras kebiasaan doni enda ia.

Sada hal dijadi ibas perpulungen Tesalonika eme, geluh mekijat, la atena erdahin, riahen akapna ncakapken kalak. Adi nina anak-anak sigenduari 'kepo' (knowing every partokular objek) merincuh meteh urusen kalak sideban ntah pe ngurusi urusen kalak atena. Tarum ncakapken kalak sideban lupa ia erdahin. La saja lupa tapi pe mekijat. Rasul Paulus mpersingeti gelah perpulungen tutus atena erdahin ncariken keperluan geluhna. Bagekin geluh kalak sierkiniteken, ertanggungjawab man diri ras keluarganya. Bagenda me ikataken kegeluhen si metanggung, ngena ate Dibata ras usihen man manusia.

Kata persinget enda pe seh man banta, gelah tetap semangat njagai dirita gelah tetap metanggung iadepen Dibata, la saja tutus erdahin ras la ncampuri urusen kalak tapi pe ngelakoken kerina dahin-dahin simehuli. Bagi nina pepatah *'hal terpenting yang harus anda lakukan ketika berada dalam lubang adalah berhenti menggali lubangnya'*. Gelah la ndabuh terbagesen.